

fail: adat4

Pepatah petiti perubahan masyarakat

Sakali aie gadang, sakali tapian barubah
Sakali tahun bakisa, sakali musim baralieh
Adat dipakai baru, kain dipakai usang
Gabak di hulu tando kan hujan
Cewang di langik tando kan paneh
Pulai bapangkek naiek
Manusia bapangkek turun.

Babalai bamusajik, basawah baladang laweh
Balabueh batapian, bapasa bagalanggar

Nan kuriek adolah kundi
Jokok nan merah adolah sago
Nan baiek adolah budi
Jokok nan nan indah adolah baso

Tanggungjawab dalam kepimpinan

Birik-birik tabang ka sawah
Dari sawah tabang ka halaman
Patah sayok tabang baranti
Basuo di tanah rato
Dari Ninik turun ka Mamak
Dari Mamak turun ka kamanakan
Patah tumbueh hilang baganti
Pusako tatap baitu juo.

Nak rang di Pakan Akad
Nak pai ka Koto Tuo
Nan rajo kato muafakat
Nan bana kato saiyo

Lah masak padi rang Singkarak
Masaknyo batangkai-tangkai
Satangkai jarang ado nan mudo
Kabek sabalik buhue sintak
Jaranglah urang nan maungkai
Tibo nan punyo rarak sajo.

(Dikutip dari H A K Dato' Gunung Hidjau - kertaskerja
Kedudukan Agama dan Adat di Minangkabau)

Memelihara kaum kerabat

Kaluek paku kacang balimbieng
Tampurueng lenggang-lenggangkan
Dibawo nak rang Saruaso
Anak dipangku kamanakan dibimbieng
Urang kampueng dipatenggangkan
Tenggang adat jangan binaso

Ingek sabalun kanai
Kulimek sabalun abih

Adat badunsanak, mamaga dunsanak
Adat bakampueng, mamaga kampueng
Adat banagari, mamaga nagari
Adat babangso, mamaga bangso

Padang Panjang jo Pariaman
Minangkabau baadat lamo
Dalam luak nan tigo
Banyak gurindam jo papatah
Dilingkueng patuik jo mungkin
Anak kok iyo kan bajalan
Harapan kami nan basamo
Walau kok jauh dari mato
Kana juo kami nan tingga
Kok indak dilahie dalam batin

(Dipetik dari buku 'Menggali Hukum Tanah dan Hukum Waris Minangkabau')